

Náttúrustofa Suðurlands
Ægisgata 2
900 Vestmannaeyjar

23. maí 2019
UST201904-299/09.06.01
09.06.01

Efni: Umsókn um myndatökuleyfi - Dyrhólaey - Drangar og Tó

Umhverfisstofnun hefur mótttekið umsókn Náttúrustofu Suðurlands, dagsett 29. apríl 2019, um leyfi til drónaflugs í rannsóknarskyni innan náttúruvættisins Dyrhólaey.

Dyrhólaey er friðlýst sem náttúruvætti sbr. auglýsingu nr. 101/1978. Óheimilt er að trufla dýralíf á svæðinu. Mannvirkjagerð og jarðrask er óheimil nema með leyfi Umhverfisstofnunar

Lýsing verkefnis:

Sótt er um leyfi til notkunar dróna til sjófuglatalninga. Ráðgert er að fljúga drónanum frá vita á Háey að Kamb, Máfa-, Lunda- og Hádrang og að Tó í lokin. Flughæð ræðst að staðháttum og yrði í um 10 metra hæð yfir dröngum og bjargi. Drónanum er flogið með vindi samhliða björgunum í um 20-30 metra fjarlægð frá bjarginu til að forðast árekstra við fugla. Drónaflugið færi fram í byrjun og um miðjan júní 2019 um 1 klst í senn og færi eftir tímasetningu varps mismunandi tegunda. Langvía yrði líklegast talin í byrju júní og ritan um miðan júní. Flogið yrði einu sinni í hvert sinn utan um hvern dranga. Drónaflugið færi fram á tímabilinu 8:00-18:00.

Áhrifamat:

Umhverfisstofnun metur drónaflugið líklegt til að hafa neikvæð áhrif á fuglalíf og upplifun gesta á svæðinu. Vísindalegt gildi flugsins er þó mikið þar sem erfitt er um vik að komast að dröngunum með öðrum hætti til að hægt sé að framkvæma talninguna. Með því að takmarka flugtíma og haga flugi með þeim hætti að flogið sé fjær fuglabjörgunum meðan myndataka er ekki í gangi er hægt að draga úr neikvæðum áhrifum flugsins. Neikvæð áhrif drónaflugsins á gesti svæðisins eru metin tímabundin en með því að takmarka flugtíma og gera athuganirnar á tímum þegar fáir gestir eru á svæðinu er hægt að draga verulega úr áhrifunum.

Skilyrði:

Umhverfisstofnun veitir fyrir sitt leyti Náttúrustofu Suðurlands leyfi fyrir drónaflugi til fuglatalninga innan Náttúruvættisins Dyrhólaey sbr. lýsingu hér að ofan í júní 2019 að uppfylltum eftirfarandi skilyrðum:

- Hafa skal þetta bréf með í för á meðan verkefninu stendur og kynna fyrir starfsfólki þau skilyrði sem fylgja leyfinu, áður en undirbúningur og vinna hefst.

- Tilkynna skal til starfsmanns Umhverfisstofnunar á svæðinu hvenær undirbúningur fyrir verkefnið hefst og þegar því lýkur með að minnsta kosti sólarhrings fyrirvara.
- Umhverfisstofnun skal tilkynnt um öll frávik við áður útgefna verkefnalýsingu, og eins ef breyting verður á tímasetningu verkefnis eins fljótt og auðið er.
- Virða skal umgengnisreglur sem gilda um svæðið.
- Eyjan er einungins opin fyrir umferð milli kl 9:00 og 19:00 og skal drónaflugið fara fram á þeim tíma.
- Ef upp koma álitamál um framkvæmdir sem tengjast verkefninu og frágang svæðisins skal hafa samband við Umhverfisstofnun í síma 591-2000.
- Ef myndefnið úr talningunum er ætlað til birtingar á á opinberum vettvangi skal það tekið fram að leyfi Umhverfisstofnunar hafi fengist fyrir fluginu innan hins friðlýsta svæðis.
- Aldrei skal að fljúga ómönnuðu loftfari í nágrenni og yfir fólki og forðast skal að trufla friðsæld svæðisins og upplifun gesta, öryggi þeirra og persónuvernd eins og hægt er.
- Aldrei skal fljúga ómönnuðu loftfari nálægt dýrum eða fuglum, hvorki nálægt hreiðrum né á varptíma eða á þeim tíma sem telst viðkvæmur fyrir dýr og fugla.
- Flugtíma skal haldið í lágmarki og það skal fara fram utan þess tíma sem flestir gestir eru á svæðinu milli kl. 14:00 og 17:00.
- Ef drónaflugið hefur truflandi áhrif á fugla- og/eða dýralífið skal því hætt samstundis.
- Stjórnandi/eigandi hins ómannaða loftfars ber ábyrgð á loftfarinu á svæðinu, að það skaði ekki fólk, dýralíf eða náttúruna og það skilji ekki eftir sig varanleg ummerki á neinn hátt. Ekki skal skilja eftir hluta loftfarsins á svæðinu heldur finna og endurheimta loftfarið og alla hluta þess ef það brotlendir eða bilar.
- Af öryggisástæðum skal sá sem stjórnar ómönnuðu loftfari klæðast merktum fatnaði svo hægt sé að auðkenna viðkomandi.

Ef framkvæmdaraðili veldur náttúruspjöllum með framkvæmd í skilningi 87. gr. laga nr. 60/2013 um náttúruvernd getur Umhverfisstofnun t.d. lagt fyrir framkvæmdaraðila að afmá jarðrask og lagfæra gróðurskemmdir eða stöðvað framkvæmdir sbr. nánar XV. kafla laganna.

Ef umhverfisaðstæður á svæðinu breytast getur Umhverfisstofnun skv. 2. mgr. 89. gr. laga nr. 60/2013 um náttúruvernd breytt skilyrðum leyfis, bætt inn nýjum skilyrðum eða afturkallað leyfið til að koma í veg fyrir verulegt, ófyrirséð tjón á náttúru Íslands.

Umhverfisstofnun mælist til þess að ómönnuðu loftfari verði tekið á loft og því lent í öruggri fjarlægð frá gestum svæðisins skv. reglugerð um ómönnuð loftför nr. 990/2017

Að öðru leyti skal haga flugi ómannaðra loftfari í samræmi við reglugerð nr. 990/2017, um starfsrækslu fjarstýrðra loftfara.

Umhverfisstofnun bendir á að dróna sem notaðir eru í atvinnuskyni þarf að skrá sérstaklega hjá Samgöngustofu.


Umhverfisstofnun óskar eftir því að fá afrit af niðurstöðum ofangreindrar rannsóknar án endurgjalds.

Sé skilyrðum leyfis ekki fullnægt getur Umhverfisstofnun afturkallað leyfið skv. 1. mgr. 89. gr. laga nr. 60/2013 um náttúruvernd.

Eftirlit:

Umhverfisstofnun mun hafa eftirlit með verkefninu. Eftirlitið verður framkvæmt af eftirlitsmanni frá Umhverfisstofnun.

Virðingarfyllt



Sigrún Agústsdóttir
sviðsstjóri



Daníel Freyr Jónsson
sérfræðingur